

ՄԿԳ.

Պ.

Պերսպատիւ և գերայարգ տեսան տեսան Ստեփաննոս վարդապետի
և արքայ հօր մերոյ ողջոյն խոնարհակաւ

... ի մայիսի 22ն, ըստ նորոյն, յառաւօտու ի տան ժամուն եղև այնպիսի երկրաշարժ, զորմէ՝ ականատես գոլով երկուցն ևս, վկայեաց ոմն թէ առաւել է այս քան զշարժն փոթուզալին, առաջին զորձ երկրաշարժիս էր շարժել որպէս յայտ է. երկրորդն և ահաւորն էր գոռացուցանել ի ներքոյ երկրի, որպիսի է որոտումն ամպոց ի յերկինս, մինչև ոմանց զառաջինն այնպէս համարիլ թէ որոտումն լինի. երրորդն էր վեր ի վայր կործանումն քաղաքիս առ հասարակ: Տեսաց ըստ ոմանց Ա. ըստ ոմանց Ե. և ըստ ոմանց այլ աւելի թաքիթս. ի վայրկենի դադարման շարժին ոչ երևիր քաղաքն ի փոշոյ աւերակացն, ի նոյն վայրկեանս շարժին կործանեցաւ ահաւոր ճամին սուլթան մէհէմէտին բովանդակ, մնալով ի ներքոյ ըստ ոմանց 300 անձանց, և ըստ այլոց նուազ իբր 60: Երկրորդ կործանեցաւ վէզիրխանն մնալով ի ներքոյ ըստ ոմանց 40, իսկ ըստ այլոց և ևս աւելի անձանց. կործանեցաւ շիշմիլէր խանն մնալով նմանապէս ի ներքոյ բազմութեան անձանց, խախտեալ ըստ ամենայնի քանդեցաւ ըստ մասին զօֆճի խանն. եղծեալ քայքայեցաւ առ հասարակ ճէվահիր պէզէստէնն. խախտեալ փասեցաւ ըստ մասին սանտալ պէզէստէնն. խախտեալ ճեղքեալ անպիտանացան ամենայն կամարք խուլումճոց և որ շուրջ զնոքօք. և ի համառօտն փութացեալ, բաց ի եէնի խանէն, այլ ամենայն խանից կէսք կործանեցան, և կէսք ճեղքուեալ և փասեալ կասկածելի եղեն առ բնակութիւն. նմանապէս ի մզկիթաց անփասն ըստ ամենայնի է միայն մզկիթն որ ի մէջ շարշըին: Զէտիրնէ խաբուի մզկիթի՝ զվերին մասն զմբէթին հանդերձ զազաթամբն ի վեր ոտուցեալ և հատեալ, զլիսի վայր վերստին դարձուցանէ յառաջին տեղին, ի զարմացումն տեսողաց. մինարէից գրեթէ կէսն կործանեցաւ, մնացեալքն փասեցան, սակաւք են անփասքն. ի վախճանի ամենայն քարաշէնք ստամբօլու ըստ մեծագոյն մասին կործանեցաւ և որ ինչ մնացին փասեցան և կարօտին նորոգութեան. պարիսպք քաղաքին ի բազում տեղիս կործանեցաւ, և ի բազում տեղիս ևս ճեղքեալ թէքեցան. ի փայտակերտիցն հազիւ զմին ի տասանց եթող ողջս և անարատս. եկեսցուք ի սամաթիայ, որոյ յերկոսին կողմանս դրանն կործանեցան պարիսպքն, յորոյ ի կողմն կայր աղբիւր ջրոյ, և շաղաքք ցորենոյ ոլք կործանեցան ընդ պարսպին, և մնացին ի ներքոյ աւերակին ջրկիրքն, և ձիք ջաղաքքին և այլ անձինք և մանկունք սլաճառաւ ջրոյն, ի միւս կողմն էր բեռնակրաց, յորոց ոմանք մնացին ի ներքոյ և բազում ձիք բեռնակրաց... ի ներքս սամաթիոյ, սկսեալ ի դրանէ նորա մինչև ի եէտի խուլէն բոլորովին եղև աւերակ, և հազիւ ոչ միայն ի քարակերտից, այլ և ի փայտակերտիցն զմի ի հարիւրոց գտցես ողջս. կործանեցաւ մին ի եէտի խուլուէից, և մին ևս կործանեցաւ և քայքայեցաւ պարութխանան. ի խալաթիայ սակաւ գտցես տունս անփասս, այլ ոչ որպէս զսամաթիային. քարակերտք խալաթիոյ ևս բազումք կործանեցան և փասեցան, այլ ոչ որպէս զկոստանդնուպօլսին. փասեցաւ շարաշար խալաթայ պէզէստէնն, փասեցաւ շարաշար և մեծամեծ ճեղքուածս ընկալաւ խուռչունլու խանն... ընկալաւ ճեղքուածս երևելիս այլ անփասս խալաթայ խուլէսին. խուռչունլուի խուլէն ըստ մասին կործանեցաւ. մնացեալն ևս քակելի է... յետ նոյն շարժին եղև այնպիսի սաստիկ անձրև, զի ի յորդութենէ ջուրց ի պախճայ խաբուն խեղդեցաւ ձի մի, որ կապեալ կար անդր, զի առ ի չգոյէ անցից ջուրց յաւերակացն կուտելոց անդր, դիզացաւ ջուրն իբրև զգետ: Արդ մինչև ցայժմ տեէ երկրաշարժն, թէպէտ ոչ նոպին սաստկութեամբ. և յաւուրս յայտօսիկ ի վերստին շարժելն,